



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Eius literae ad varios. ibid.

urn:nbn:de:hbz:466:1-38320

1610. ordine accidere incommoda nihil attinet recensere, cùm apud se quisq; expendere possit quanta vbique esset trepidatio, quām importuna in Catholicorum ædes dies noctesque inquisitio, quām nihil à luspicio odioque tutum, vt vel mutandis quotidie sedibus modò agros, modò publica hospitii, modò pauperum casas inuenire necesse fuerit, vel multo tempore domellis conclusi latibus. Vidimus in *Balduno, Gerardo & alijs*, in Belgium vñque pertinuisse calumniam, penetrasse Roman ad *Personium*, de quo amandando *Clemens Pontifex* pridem egerat cum *Claudio Generale*; sed is præuerens mandatum, per valetudinis speciem profectus est Neapolim, non nisi mortuo *Clemente* reuerelurus. Reliquos annos scribendis libris intulpsit; prodieruntque in lucem varij ad hæc tempora aptati, vt quæstiones duæ de sacris alienis non aevndis, codem fere argumento quo ante annos plus viginti scriperat Anglice Epistolam Consolatoriam: De æquiuocatione etiam, & de mitigatione legum in Catholicos, & aduersus Odoardū Coquum, Barloum, & alios, quibus ut fidei dogmatis stabilendis, heterodoxis confutandis incubuit, ita deuexæ ætatis annos breuiores fecit quām optari potuisset; Anni sexcentesimi decimi medium quadragesimam decucurserat feuero ieiunio, cùm vehemens eum astus inuasit; paucis diebus ad extrema delatus, Passionis Christi pia & frequenti recordatione agritudinem solabatur. *Paulus Pontifex* vbi intellexit confessum ei indulxit omnia quæ in mortis confinio Cardinalibus indulgeri solent: *Claudius Generalis*, & qui in patribus erant Romæ præcipui, frequentes aderant: Iple quatri duo antequam de vita discederet ternas dictauit: Ad *Blasæum Audomarensem Antistitem* vnas, gratiarum plenas; ad nostros in Anglia alteras hortatorias; tertias ad *Birketum* qui in locum defuncti *Blackwelli* Archipresbyteri successerat. Ad nostros in hanc sententiam. "Reuerendi & Charissimi Patres mei & Fratres quos placuit Deo vocare & vnire in hac Missione Societatis nostræ ad conuersationem & solatium mileræ Angliæ Patriæ nostræ, & in quos vñsum est admodum Reuerendo Patri nostro Generali à tot iam annis committere mihi Præfecturam; nunc quando iuxta Diuinum beneplacitum depositurus sum hoc onus, vt ipso, cum mortali hac vita, non potui non scripto hoc vobis omnibus valedieere, & primò, meipsum animæque meæ requiem Deo in vestris precib; cōmendare; Tum inter vos signum illud vnicum verorum discipulorum & sequacium Christi Domini, diligite inuicem; quod inuolatum à vobis teneri opto, iuxta spiritum Societatis noltræ, hoc est, vt vñusquisque le inferiorem cæteris existimet, alios sibi præferat ex animo semper, cum quo quantum fieri potest actiones externæ contentiant; omnia ad honorem & gloriam Dei & vestrum solatium; ita enim facientes, omnes, vt confido in Domino, consummabis felicissimè cursum vestrum in obsequio Dei in hoc saeculo, & in futuro per merita Passionis Christi occurremus inuicem in gloriola & semper duratura resurrectione: Datum à decumbente Romæ in Collegio Anglicano, hoc per uigilio Dominicæ resurrectionis, Anni millesimi sexcentesimi decimi. Vester totus & semper, *Marcus.*) Archipresbyterum his salutauit, Reuerendissime

Eius mori
entis literæ
ad nostros
in Anglia.

dissime Domine, & amice carissime. Finem hic viuendi, vti spero, breui facturus, & migratus ad Christum seruatorem; non potui in hoc meo maximo agone vestrum obliuisci, aut committere vt vobis, vestris Assistantibus, cunctisque ceteris vestris subditis, hoc scripto non valedicerem, elut testimonio caritatis & amoris perfecti quo vos & illos omnes in Christo Iesu prosequor & prosecutus sum semper; profiteorque quod nunc mundum relinquio eodem cum desiderio amoris, pacis, & vnionis omnium vestrum inter vos, & cum omnibus nostris Patribus, quo semper flagraui; & quod nunquam ex parte nostra (quantum quidem ego scire potui, aut imaginari) cupiditas vlla fuerit superioritatis in vos, vel in quemquam vestrum; sed benevolus consensus ad utilitatem & incrementum Catholicæ fidei, iuxta nostri instituti ministeria; quem conseruum opto semper in vobis cum nostris in futurum tempus Patribus permanere in viceribus Christi, ad Dei Opt: Max gloria & honore; cuius tuitioni eadem caritate, eodemque affectu quo anima meam, cōmodo etiam vos & omnes meos carissimos fratres vestræ curæ cōmissos, cum quibus iungens preces, oro dulcissimum Seruatorem vt per merita acerbissima Passionis tuae nobis det gloriosam Resurrectionem. Valete in Christo Iesu. Datum à decumbente Romæ in Collegio Anglicano, hoc per vigilio Relurrectionis, Anni 1610. Denique ad Audomarentē Antistitem in hæc verba.

Reuerendissime, & merito mihi obseruantissime Domine.

Perueni tandem ad præstitutam mortalibus omnibus metam, morte cūlicet, qua, vt spero, anima ab huius corporis compage soluta suo reddet Redemptori, vbi videbo bona Domini in terra viuentium. Interim tamen dum super lectum doloris meispirare permittitur, sapius tanti Benefactoris merita menti occurrit, quomodo caula Angliae longè calamitosissimā adamauerit, & nostrā in illā messe Missionē iuuerit prouexeritque. Quo tam singulari beneficio quantum me deuinixerit sibi volui hoc supremo literarum testimonio significare, & gratias quas viuens Iesu, nunc denuo moriens reddere: illud obnoxie orans vt quemadmodū cœpit, sic pergit in fine, nec quos paterna sua charitate iam filios fecerit, orphanos derelinquit. Vale Reuerendissime & Anglorū omniū amantissime Praefat & Parens. Vitam tibi diuturnā concedat Deus, post huius vitae curriculum repositam in Cœlesti regno iustitiae coronā redditurus: vbi ego cū appulero Blasii immetmor non ero. Reuerendū Patrem Schondonckum, cui proprias iā dare non licet, à me quā maxime salutatū cupio suis. Magna illi in iuventute nostra instituenda cōmissa est cura; strenue igitur, vt hactenus, semper suam sparrā tueatur. Nequeo plura, quia tempus meum prope est, & cupio dissolui & esse cum Christo. Reuerendissimæ Dominationis Vestre Sacrificijs, vt & Patrū nostrotum in Collegio, quos similiter ex animo salutaratos habeo atque Alumnorum omnium (quos vt Deus omni benedictione sua repleat vehementer rogo) precibus me commendando. Iterum & semper vale Reuerendissime Blasae. Electo 13. Aprilis 1610.

Cccz

Reuer-

1610.
Et ad Ar-
chipresby-
terum,